

Publicaziuns officialas dils 12 da zercladur 2026

Vischnaunca Trun

Damondas da baghegiar

Datum da publicaziun: 12-06-2026

Petent: Arno Pfister e Larissa Dietrich, Via Plaunca 2, 7166 Trun
Object: Sanaziun energetica dalla casa, novas finiastras e niev scaldament (niev: pumpa termica d'aria ed aua) sin parcella 861 a Darvella.
Zona: Zona d'adattaziun dil vitg

Muot da Munt–serrada dalla senda

A partir dils 1 da zercladur 2026 entscheivan las lavurs da construcziun vid las lavineras sut il Muot da Munt. Ord motivs da segirtad vegn la senda che meina naven dalla Alp Munt enviers la Alp Glivers (Sumvitg) serrada per in e scadin. Las lavurs cuozzan prevedentamein entochen igl atun 2026. Per ulteriur sclariment stat il selvicultur (081 920 20 46) a disposiziun. Nus engraziein per vossa capientscha.

Uffeci forestal Trun

Votaziuns federalas ed elecziuns cantunalas

L'urna principala en canzlia communal ei aviarta sco suonda:

Gievgia, ils 11-06-2026, 09.30-11.30, 15.30-17.30
Venderdis, ils 12-06-2026, 09.30-11.30, 15.30-17.00
Dumengia, ils 14-06-2026, 09.00-10.30

La documentaziun da votar duess mintga votant/a haver obteniu. Cass cuntrari san ins s'annunziar immediatamein, denton **il pli tard entochen venderdis, ils 12 da zercladur 2026 allas 17.00** tier l'administraziun communal (tel. 081 920 20 40).

Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/la observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (gratuitamein) ni directamein fierer en la scaffa da brevs dalla canzlia communal.

Ils cedels da votar ston esser il pli tard la dumengia, ils 14 da zercladur 2026 allas 10.30 tier l'administraziun communal.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communal

Elecciuns communalas

Quest atun han las elecciuns dils organs communalas per la perioda d'uffeci 2027-2029 liug. Sin fundament dalla lescha davart votaziuns ed elecciuns ha la suprastonza communal fixau ils suandonts datums:

Las elecciuns per **la suprastonza communal** han liug **dumengia, ils 27 da settember 2026**. Demissiuns ein tenor artechel 17 dalla suranumada lescha d'inoltrar 60 dis avon la reelecziun, pia entochen gliendisdis, ils 27 da fenadur 2026, en scret alla suprastonza communal.

Las elecciuns per **il cussegl da vischnaunca e la cumissiun da gestiun** succedan **dumengia, ils 29 da november 2026**. Demissiuns ein tenor artechel 17 dalla lescha davart votaziuns ed elecciuns d'inoltrar 60 dis avon la reelecziun, pia entochen mardis, ils 29 da settember 2026, en scret alla suprastonza communal.

Ufficials che han buca demissiunau valan sco proponi.

Suprastonza communal Trun

Mortori

Guldemann Jörg, naschius ils 14 da december 1944 e morts ils 8 da zercladur 2026.

Controlla da habitonts Trun

Fiasta da stad en Casa s. Martin, Trun

Sonda, ils 20 da zercladur 2026 envida la Casa s. Martin, Trun, parents ed enconuschents da nossas cussadentas cussadents sco era vischinas e vischins da lunsch e damaneivel all'usitada fiasta da stad cun grillada, buffet da salata e dessert. L'occurrenza ha liug denter las 11.00 e las 16.30. Vossa viseta fagess a nus grond plascher, seigies beinvegna.

Meinacasa e persunal

Club da tennis Trun

Partida d'Interclub a Trun

Dumengia, ils 14 da zercladur 2026 damas 2. ligia Trun-Domat/Ems allas 09.00

Corporaziun d'aua Trun

**Invitaziun alla 133avla radunonza generala dalla Corporaziun d'aua Trun,
venderdis ils 19 da zercladur 2026 allas 19.30 uras ella Pizzeria Ristorante da Stefano**

Tractandas

1. Beinvegni
2. Elecziun da dus dumbravuschs
3. Protocol dalla 132avla radunonza generala
4. Rapport annual dil president
5. Rendaquen per 2025
6. Rapport dils revisurs ed approbaziun da quen e bilanza
7. Elecziuns:
 - a) president
 - b) survegilader da fontaunas
 - c) revisur da quen
8. Damonda per in credit da frs.145'000.- pil remplazzament d'ina part dil conduct d'aua en Via Resgias
9. Damonda per in credit da frs. 70'000.- per elaborar in plan general dil provediment d'aua (GWP) e documentaziun detagliada pil provediment d'aua duront gronda munconza (TWM)
10. Inventarisaziun e concept da sanaziun dallas fontaunas publicas
11. Varia

Tuttas commembras e tuts commembers ein envidai cordialmein. Suenter la radunonza offerescha la Corporaziun d'aua ina tscheina.

La suprastonza

Invitaziun alla 77 avla radunonza generala dil Club da skis Trun

Venderdis, ils 12 da zercladur 2026 allas 19.30 uras ella Pizzeria Da Stefano

Tractandas

- 1.) Beinvegni ed appel
- 2.) Elecziun da 2 dumbravuschs
- 3.) Protocol dalla radunonza generala dils 23 da matg 2025
- 4.) Rapports annuals:
 - president
 - cau tecnic
- 5.) Rendaquen e rapport dils revisurs
- 6.) Fixaziun dalla contribuziun annuala
- 7.) Elecziuns:
 - president
 - cassier
- 8.) Mutaziuns:
 - abdicaziuns
 - recepziun da novs commembers
 - honoraziuns

9.) Informaziuns:

-Nordic culinaric

-Informaziun Team Panda

-Nordic Surselva

-SST

10.) Varia

Sco εμπrem gudin da cumpigina ina tscheina, suenter ha la radunonza liug e sco finiziun dat ei aunc in dessert.

Annunzias entochen ils 09.06.2026 p. pl. ad anita.alig@gmx.ch ni 078 607 04 38

*Cordial beinvegni e salids sportivs
Club da skis Trun, la suprastonza*